



„Vjerovjesnik, sallallahu 'alejhi ve sellem, zabranio je gađanje kamenčićima i rekao: 'To ne ubija lovinu niti (teže) može raniti neprijatelja; to samo izbija oči i razbija zube.“

Prenosi se od Abdullahe b. Mugaffela da je rekao: „Vjerovjesnik, sallallahu 'alejhi ve sellem, zabranio je gađanje kamenčićima i rekao: 'To ne ubija lovinu niti (teže) može raniti neprijatelja; to samo izbija oči i razbija zube.“ U drugom predanju stoji da je neko blizak Ibn Mugaffelu gađao kamenčićima, pa mu je on to zabranio i kazao: „Vjerovjesnik, sallallahu 'alejhi ve sellem, zabranio je gađanje kamenčićima i rekao: 'To ne ubija lovinu.“ Potom je ovaj opet učinio to djelo, pa mu je on rekao: "Ja ti govorim da je Poslanik, sallallahu 'alejhi ve sellem, to zabranio, a ti opet činiš isto. Nikad više neću pričati s tobom.“

[Vjerodostojan] [Muttefekun alejh]

Abdullah b. Mugaffel, radijallahu 'anhuma, u ovom predaji prenosi da je Vjerovjesnik, sallallahu 'alejhi ve sellem, zabranio gađanje kamenčićima, jer ono ne ubija lovinu, a u drugoj verziji stoji da se njime ne može uloviti lovina, niti ono povređuje neprijatelja, nego samo može nekom izbiti oko i slomiti zub. Gađanje kamenčićima podrazumijeva, kako kažu islamski učenjaci, da čovjek stavi kamenčić između desnog i lijevog kažiprsta, ili između kažiprsta i palca, tako da stavi kamenčić na palac, pa ga potisne kažiprstom, ili da ga stavi na kažiprst, pa ga potisne palcem. Ovakvo gađanje zabranio je Poslanik, sallallahu 'alejhi ve sellem, a zabranu je obrazložio time što kamenčić samo može izbiti oko ili slomiti zub, a ne može ubiti lovinu, jer je ne može probiti, niti može povrijediti i spriječiti napad neprijatelja, jer se on može spriječiti kopljima, sabljama, a ne kamenčićima. Zatim, jedan od rođaka Abdullahe b. Mugaffela izišao je i bacao kamenčice, pa mu je on to zabranio, kazavši mu da je Poslanik, sallallahu 'alejhi ve sellem, zabranio takav postupak. Međutim, on ga nije poslušao, pa ga je i drugi put vidio da gađa, na šta mu je kazao: "Ja ti kažem da je Poslanik, sallallahu 'alejhi ve sellem, to zabranio, a ti i dalje bacaš. Nikada više s tom neću pričati." On ga je napustio, jer se suprotstavio zabrani Poslanika, sallallahu 'alejhi ve sellem.

النّجّات الخيريّة
ALNAJAT CHARITY

